


# Bibilia cuna Anapiana Anhacupangisa

## Matoma acusucwala cwa munthu



Anhaculemba: Edward Hughes  
Anhacupangisa: Byron Unger; Lazarus  
Alastair Paterson  
Anhacusangula: M. Maillot; Tammy S.  
Anhcuchinja Mulongero: Sarifo Buramo Cheia  
Anhacuphica: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

Lemba apa mulankhulu udhaphatisewe  
bhasa pacuchinja chithancano ichi.

MULUNGU ACHITA PINTHU  
PIANSONE! Pidachita iye Mulungu  
munthu, Adamu, iye akhala mu Munda  
wa Eden na nkazi wache, Eva. Awene  
acakhala acucomerua  
cacamwe mbavera Mulungu  
naphwando yacukhalapo  
Mulungu  
pacati pawo  
cufikira nsicu  
ibhozi ...




"Mulungu acupanga  
cuti usadye misapu  
yamiti yansene?" nhoca  
yavunza Eva. "Tinadye  
misapu yansene mbwenhe ubhozi ule, tayu,"  
Iye atawira. "Ticadya peno cuphatacwene  
nsapu unole, tinafa." "Munafa  
tayu," nhoca yanama.  
"Imwe munakhala ninga  
Mulungu." Eva acaufuna  
nsapu wamuti unole. Iye  
avesera nhoca,  
pepale,  
mbadya nsapo.

3




Pidayipisa iye Eva pamaso  
paMulungu apanga Adamu cuti  
adyemba nsapo ule. Adamu  
mbadalonga piache, "Cwete!  
Ine nkhabe funa  
cupiringanisa  
mafala  
aMulungu."

4




Pidayipisa iwo Adamu na Eva, iwo  
muwirimwawo apiziwa cuti acakhala chipezipezi.  
Acwata masamba amiti mbaphimbira manungo awo,  
damalawo mbabisala nsanga pamaso paMulungu.

5




Nacumaulo Mulungu abwera mumunda. Iye  
Mbuya apiziwa cale ninji pidachita Adamu  
na Eva. Adamu athonha Eva. Eva athonha  
nhoca. Mulungu alonga, "Nhoca yaticanua.  
Ncazi anava cupha pacubala ana."  
"Adamu, thangwi ayipisa pana  
Mulungu, pansi paticanua nacuipa  
pina na minga. Iye unaphata  
basa nacaluma cuti  
uwone chacudya  
chansicu na nsicu."

6



Mulungu achokesa Adamu na  
Eva cwenda cunja cwa munda  
wadhidhi ule. Thangwi ayipisa  
pamaso paMulungu, iwo akhala  
anthu aculecanisuo  
pamakhaliro  
udhachitirwa  
iwo na Mulungu!

7




Mulungu achita supada  
yacuchetuma cuti aachokesa  
mumunda. Mulungu achita  
nguwo za nthembe  
cuna Adamu na  
Eva. Mulungu  
azicuata cupi  
nthembe izi?

8


Na nthawi, anapiana abaliwa pacati pa Adamu na Eva. Mwanawo wacutoma, Caini, acali mulimi. Mwanawo wachiwiri, Abel, acali macabuswa. Nsicu inango Caini abweresa pilimwa piache piamunda mwache cuna

Mulungu ninga chipo. Abel abweresa bira yache yadhidhi cacamwe pancumbi cuna Mulungu ninga chipo. Mulungu acomerwa na cupasa cwa Abel.




9

Mulungu adacomewa tayu nacupasa cwa Caini. Natenepa Caini ayipirwa. Mbwenhe Mulungu alonga, "Codi iye ucachita pinthu piadhidhi, nkhabe tambirwa tayu?"



10

Cuyipirwa cwa Caini cucadamala pepo tayu. Nsicu inangu mumunda amphata mbhaliache Abel mbanthibula piculupene mpaca cumupha!



11

Mulungu alonga na Caini. "Alicipi mbhaliaco Abel?" "Peno," Caini atawira uthambi. "Ine ndine muonereri wambhale wanga?" Mulungu acwapula Caini nacuncwatira cudachita iye mphanvu zache zaculima nacuzondiwa cuache.



12

Caini abuluca pamsao paMBUYA. Iye asemba ncazi, mwana wa Adamu na Eva. Iwo abala anapiana. Nacuchingiza, azuculu na azuculurwe aCaini azaza thaundi idachita iye yekhene.




13

Na nzizi uculwene tayu, ncumbi wa Adamu na Eva waculambo nacuchingiza. Nsicu zezire, anthu acakhala hmaso pa zico yapansi piaca pizinjipiene cusianambo nansicu zalero.



14

Padhabaliwa iye Seti, Eva alonga, "Mulungu andipasa Seti pambuto pa Abel." Seti acakhala munthu wadhidhi pamaso pa Mulungu, iye akhala maso pazico yapansi piaca 912, akhalambo na anapiana azinji.



15

Nzico, anthu acakhalaratu acuipa cacamwe zinza na zinza icatowera. Pacumalisa, Mulungu atonga cuphwanha mazinza ansene anzico mitundu yansene ya mbalame yapazico. Mulungu akhala wacutsucwala na pidachita iye cuna munthu.



Mbwenhe munthu mbhozi acomeresa Mulungu ...

16

Munthu uyu acali Nowa. Zinza yankhonda Seti, Nowa acali waculungama ne cuthonhwa chala tayu. Iye afamba na Mulungu. Iye afunjisambo anache atatu cuti atowerembo Mulungu. Natenepa Mulungu afuna cukhala na Nowa na njira yacusiana cacamwe!



17

Matoma acusucwala cwa munthu

Chithancano chafala yaMulungu, Bibilia,

Chisaonecwa mu

Genesis 3-6

"Mapitiro aMafala Anu asapasa chieza."  
Salmu 119:130

18

Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipa, pire pinachemera Iye picadho. Mbhairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene bhasi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipa piaco, Iye anapichital! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufuna, ndatawira cuti Iwe ndiwe Mulungu, mwachitica munthu cuti mufera piacuipa pianga, chinchino imwe muli maso pina. Ndapota, bwerani, mupite muntima mwanga, ndilekerereni madhawo arga, cuti ndikhale na upenu utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

CUNKHOMO



60

19

Werenga Buku, longa na Mulungu nsicu zansene! Juwau; 3:16

20

2